

## Ражаб ойи



09:10 / 12 январь 77381

Ҳижрий - қамарий тақвимнинг еттинчи ойи Ражаб бўлиб, у ҳаром ойларнинг биридир. Бу муборак ойга боғлиқ бир неча маълумотлар бор. Уларнинг баъзилари мазкур ойнинг ҳаром ойлардан бири эканини баён этади.

Аллоҳ таоло «Моида» сурасида: **«Эй иймон келтирганлар! Аллоҳнинг дини аломатларини, ҳаром ойни, аталган қурбонликни, осилган белгиларни ва Роббиларидан фазл ва розилик тилаб Байтул-Ҳаромни қасд қилиб чиққанларни ўзингизга ҳалол ҳисобламанг»,** деган (2-оят).

Оятдаги «ҳаром ой»дан мурод Ражаб, Зулқаъда, Зулҳижжа ва Мұхаррам ойларидир. Бу ойларда уруш қилишни Аллоҳ таоло ҳаром қилган. Мазкур тўрт ойда агар уруш қилинса, Аллоҳнинг ҳукмини ўзgartириб, ҳаром нарсани ҳалол ҳисоблаш бўлади. Бинобарин, бу катта гуноҳдир.

Аллоҳ таоло «Моида» сурасида яна: **«Аллоҳ Каъбани-Байтул-Ҳаромни, ҳаром ойни, ҳадийни ва осиладиган белгиларни одамлар учун асос қилиб қўйди»,** деган (97-оят).

Уламоларимиз, ояти кариманинг ушбу жумласини динга ва ҳаж ибодатларига асос қилиб қўйди, деган маънода таъвил қиласидилар. Ҳақиқатда ҳам Ислом дини асослари, ҳаж ибодати Маккаи мукаррамага, ҳарамга, Каъбага чамбарчас боғлиқдир.

Ҳаром ойни асос қилиб қўйишига келсак, буни уруш ҳаром қилинган ойлар-Зул-қаъда, Зулҳижжа, Мұхаррам ва Ражаб ойларини яхшилик асоси















«Ким?» дейилди.  
«Жаброил», деди.  
«Сен билан ким бор?», дейилди.  
«Мұхаммад», деди.  
«У Пайғамбар этиб юборилдими?», де-йилди.  
«Ха», деди.  
«У хуш келиби. Қандоқ ҳам яхши келувчи келди!» дейилди.  
Кейин Иброҳимнинг олдига бориб, салом бердим. У:  
«Хуш келибсан, ўғлим, пайғамбарим», деди.  
Шунда менга Байтул-Маъмур күтарили. Жаброилдан сўрадим. У:  
«Бу Байтул-Маъмурдир. Ҳар куни унда етмиш минг фаришта намоз ўқийди.  
Қачон чиқсалар унга қайтиб келмаслар. Уларнинг охири кўринмас», деди.  
Менга Сидратул-мунтаҳа күтарили. Қарасам, унинг меваси худди  
Ҳажарнинг мешидек келади. Унинг барглари эса филларнинг қулоғидек.  
Унинг остида тўрт дарё бор. Икки дарё ботин. Икки дарё зохир.  
Жаброилдан сўрадим. Бас, у:  
«Икки ботини жаннатдадир. Икки зохирни Нил билан Фуротдир», деди.  
Бошқа бир ривоятда қуйидагилар айтилади:  
«Сўнгра мени юқорига, қаламларнинг шитирлашини эшитсам бўладиган  
жойга олиб чиқилди. Кейин менга эллик намоз фарз қилинди. Юриб Мусога  
етишдим. Бас у:  
«Нима қилдинг?» деди.  
«Менга эллик намоз фарз қилинди», дедим.  
«Мен сендан кўра одамларни яхшироқ биламан. Бани Исроилни жуда кўп  
муолажа қилганман. Умматинг тоқат қила олмайди. Роббингга қайтиб,  
Ундан енгилликни сўра», деди.  
Мен Унга қайтиб бориб сўрадим. Қирқта қилди. Кейин яна шунга ўхшаш  
бўлди. Сўнгра ўттизта бўлди. Кейин яна шунга ўхшаш бўлди. Сўнгра  
йигирмата бўлди. Кейин яна шунга ўхшаш бўлди. Сўнгра ўнта бўлди.  
Кейин Мусога келдим. Бас, у яна аввалги гап айтди. У зот бешта  
қилди. Кейин Мусога келдим. Бас, у:  
«Нима қилдинг?» деди.  
«Уни бешта қилди», дедим. У яна аввалги гап айтди. Мен:  
«Хайрли нарсага таслим бўлдим», дедим. Шунда:  
«Мен, батаҳқиқ фарзимни жорий қилдим. Бандаларимга енгил қилдим. Бир  
яхшиликнинг мукофотини ўн қилиб берурман», деб нидо қилинди.  
Бухорий ва Муслим «Иймон»да ривоят қилган.  
Унинг ибораси қуйидагича:  
«Токи, Эй, Мұхаммад, булар беш намоздир. Бир кечаю бир кундузда. Ҳар





## **РАҒОИБ НАМОЗИ**

Баъзи китобларда «Рағоиб» намози ҳақида ўта муболағали гаплар келган. Аммо муҳаққиқ уламоларимиз бу ҳақдаги ривоятлар саҳих эмаслигини таъкидлайдилар.

Ражаб ойининг биринчи жумаси кечасида ўқиладиган бу намоз ҳақидаги ривоятлар саҳих эмаслиги ҳақида ҳанафий уламолардан «Баҳрур роиқ» ва «Раддул Муҳтор» китобларининг соҳиблари ҳам ўз китобларида ёзишган.